



- **Benedisciun dal'orgo:** do i gran laurs de restauraziun dal orgo de nosta dljia ésera en **sabeda ai 17 d'otober** tan ennant: en chel de gnarál benedí l'orgo restauré con **espi da festa ales 17:00**. Ales 18:00 él en buffet tla Gran Ciasa y **ales 20:00 n concert d'orgo con Simon Brandlechner**. Düc é bel enviés.
- **Festa por signor Tone Fiung, 40 agn preo:** en la Segra d'La Pli fajunse ince festa a signor Tone por so iubileo de 40 agn preo. En la veia dla Segra é porchel ince düc enviés da fá iluminaziuns tles ciasas y sce ara va ince füs.
- **Iolan y Dio s'al páii dles ofertes en recort dai defunc:**
 † **Ida Frontull:** Emma Frontull y Scora dai Schi Al Plan por la dljia, fam. Herbert Mussner por santes messes
 † **Carlo Kehrer (Tistler):** Maria Kehrer por la dljia
 † **Franz Kastlunger:** les sorus Albina, Angelica, Hilda, Oliva, Antonia y Maria, Pasquale y Lois Kastlunger, la classe dal 1944 y la so Emma por la dljia.
- **Iolan y Dio s'al páii dl'oferta "Misereor"** (30.08.): al é ciamó roé lapró 70,00 €, porchel él gnü mené demez endöt 1.502,27 €



Enformaziuns y terminis

Prozesciun dai Ei sö Oies: l'Uniuon Ei Val Badia envieia düc i ei y i jogn en vendres, ai **25 de setember**, ales 19:30, a tó pert ala prozesciun con linternes o cianderes da San Linert/Badia sö Oies.

Envit - Pelegrinaje dai Ladins sö Oies: ai 26 de setember édl le pelegrinaje dla jont ladina, motü da a jí dla Uniuon Generela di Ladins. L'organisaziun sorantol eniann l'Uniuon di Ladins dla Val Badia. L'encuntada é en sabeda, 26 de setember ales 14:30 dan dljia de San Linert a Badia, la prozesciun peia ia dales 15:00 y va sö Oies por les 16:00, olá ch'al sará na santa messa con le degan signor Iaco Willeit. Lassó él da tigní ete les normes anti-covid (destanza o mascherot).

Sorvisc ai Jogn: le Sorvisc de consulenza, motü a jí dal SaJ, é endö davert por cuestiuns, problematiches y domandes liades al'educaziun y ala joneza. Vigne secundo y cuarto dedemesaledema dal mens é l'educadessa a desposiziun dales 09:30 ales 11:30 a Picolin. Al resta ennant la poscibilité da damané dô na consulenza por telefon, ☎ 3428410721 (Barbara).

Ocio: l'apoteca d'Al Plan romagnará slüta dai 28 de setember fina ai 8 de otober.

Döt le bun a:	Alessandro Bianchini, <i>Ancona</i>	* 20.09.1945
	Emma Vittoria Feichter Finazzer, <i>Seis</i>	* 23.09.1938
	Jan Taibon, <i>San Laronz</i>	* 26.09.1933
	Colomba Canins, <i>Deutschland</i>	* 26.09.1945
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Envidia cuntra bunté

📖 **Is 55, 6–9 | Fil 1, 20ad–24.27a | Mt 20, 1–16a**

Dal Vangelo do San Mateo:

Te chel tomp ti á Gejú cunté a sü discepui cösta parabola: ¹Con le regn dal ci ésera desco con n patrun de n avei, co s'an é jü dadoman adora demez da ciasa, a tó sö oras por söa vigna. ²Al é gnü a öna con i oras sön önn n denar al de y al i á condüt te söa vigna. ³Dala terza ora él endö jü söle marcé, y n'á odü d'atri danló co n'á degün laut. ⁴Al ti á dit: Jide ince os te mia vigna! I ves dará ci co é iüst. ⁵Y ai é jüs. Dala sesta ora y dala nona ora é le patrun dal avei endö jü söle marcé y á fat le medemo. ⁶Canch'al é jü dala önejima ora ciamó n iade, n'ál endö urté de chi co stea danló encerch. Al ti á dit: Ci steise pa döt le de encerch a ne fá nia? ⁷Ai á respognü: Al n'é sté degügn co s'á tut sö. Danló ti ál dit: Jide ince os te mia vigna. ⁸Canch'al ea gnü da sera, á le patrun dla vigna dit a so aministradü: Cherda i oras y paii fora le paiamont, metenn man dal ultimo cina al pröm. ⁹Al gnea chi co ea gnüs tuc sö dala önejima ora, y vignönn á ciaté n denar. ¹⁰Canch'al ea roé pa i pröms, miná chisc de ciaté deplü. Mo ince chi á ma ciaté n denar porom. ¹¹Danló á motü man da se lascé sö cuntra le patrun ¹²y dijea: Chisc ultimi á ma laoré öna n'ora, y tö i as traté anfat desco nos; nos deperpo án soporté döt le de le peis dal laür y le cialt. ¹³Mo le patrun ti á respognü a önn de chi: Amí, al ne te ven fat degün tort. Ne n'este nia gnü a öna con me sön önn n denar? ¹⁴Tól tū scioldi y vátan! lu endere ô ti dé al ultimo tan co a te. ¹⁵Ne pói nia fá ci ch'i ô con ci co é mio? O este invidius, deach'i sun bun con i atri? ^{16a}Ensciö sará i ultimi i pröms y i pröms i ultimi.

Oraziun dal de

Periun! Dio sant, te nes as dé le comandamont dal amur ch'i t'orunse bun a te y al proscimo desco ademplimont de döta la lege: dasse la forza de se tigní con fedelté a cösc comandamont, ch'i podunse arjunje la vita eterna. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen



📖 **Letöres dla 26. domegna ia por l'ann:**

Ez 18, 25–28 | Fil 2, 1–11 | Mt 21, 28–32

Edema liturgica dai 20.09. ai 27.09.2020

DOM 20.	25. domegna ia por l'ann FESTA DLA PRÖMA SANTA COMEGNUN
→ 09:00	i acompagnun les 6 mitans y i 3 mituns dla Pröma Santa Comegnun da paiun sö te dljia gran messa de ringraziament y en onú dai Angeli Custodi por ei y por döta la ploania ♪ grup de mituns
10:00	s.m. a Al Plan
Lön 21.	fiesta de San Mateo apostul y evangelist, Debora
18:00	s.m. a Al Plan
Ded 22.	<i>Maurizius y compagns, Tomesc, Jonas</i>
07:30	s.m. por † Ida Frontull, Mareo s.m. por † Jan Maneschg, da Poz s.m. por †† Ploner d'La Munt y en onú de San Padre Pio
Dem 23.	<i>Pio da Pietralcina (Padre Pio), Tecla</i>
Jöb 24.	<i>Rupert y Virgile, Gerhard, Hermann</i>
19:30	s.m. dal ann por † Carlo Ploner, Corterei s.m. dal ann por † Angelo Ellecosta, La Costa s.m. por † Hermann Ploner, Corterei
Ven 25.	<i>Nikolaus da Flüe, Gottfried, Sergio</i>
→ 19:30	oraziun da Taizé
Sab 26.	<i>Sabeda de Santa Maria Cosmas y Damian, Paolo VI., Eugenia</i>
07:30	s.m. en onú de Santa Maria dal Bun Consei s.m. d'aniversar por † Emilia Kastlunger, Alnei s.m. por †† Willeit, Damez
13:00	a Curt s.m. da noza de Markus Obojes y Carmen Messner
18:00	s.m. prefestia a Al Plan
DOM 27.	26. domegna ia por l'ann de mondial dai migranc y profugs Vinzenz de Paul, Dietrich
08:30	gran messa por döta la ploania oferta por i migranc y profugs
10:00	s.m. a Al Plan
ampola:	do intenziun por la sanité

ministronc:	• dedolönesc y sabeda: Marco y Samuel • jöbia y domegna: Elias y Sabine
-------------	--

i recordun:	Eduard Maneschg † 20.09.2019 Rosa Trebo Pedevilla, Cortina † 22.09.2012 Angelo Ellecosta † 22.09.2019 Ferdinand Kanetscheider, Schweiz † 24.09.2014 Carlo Ploner † 24.09.2019
-------------	---



Invidiusc dla fraidité? ... ma dá! (Mt 20, 1–16a)

I ponsi do

*Éi val de iüst traté düc anfat
y ti dé ince ai ultimi le
medemo paiamont?
Cösc é früt dla gran
misericordia de Dio deache
so Regn n'é nia na fabbrich.
Vignönn pó se fá pormez
al'amizizia con Gejú te vigne
momont y ester protagonist
tla Dlijia: te nosc cör ne
désse nasce degüna
envidia por chi co ven do
nos y ne laora forsc nia tan
co nos.*

I preii ensciö

Che sunse pa nos por protesté cuntra té, Signur?
T'as cherié le monn y l'as afidé a nostes mans.
Al é pö por nos na fortuna podei ester tló y laoré
por te belo da doman: söé por costruí val' de gran,
ester stanc do avei fat en laur prezios, ester
encontonc da podei se proé por töa amizizia.
L'aorela lungia n'é nia da invidié mo da teme. I te
dijun iolan ch'i án podü da pici ensö aldí töa usc co
s'á cherdé a gní lauranti de töa vigna y al é bel da
odei ch'al nen ven entres ciamó pormez. Al é anfat
sce i ciafun düc le medemo paiamont.
Dai, Gejú ... no meter averda a chi co baidua mo
va entres endô sön plaza dla vita a cherdé amisc
nös. I án debojügn de lauranc!

Walter Cazzaniga, Parola amica – Il Vangelo della domenica per ragazzi



Festa dla Pröma Santa Comegnun



**Gesú
oggi entra
nella tua vita,
accoglilo
come amico,
con fiducia:
egli ti è vicino,
affidati a lui.**

Papa Francesco



Nos sun tü ghescé

*Gejú,
tö m'as envié a to past.
De cösc te diji bel iolan.
Mo tö ne m'as nia ma
envié me.
I á odü trepa jont
encer töa mesa:
Jont vedla y jont jona,
jont dla bona löna y jont dla ria,
jont sana y jont püra,
jont rica y jont dla meseria.
Nos sun düc tü ghescé.
I orun ester atló önn por l'ater,
ciodi che tö s'ös bun a düc,
zonza desferenza. HK*